

Titel da campion svizzer per Cla-Ursin Nufer

Als campionadis svizzers da passlung ad Ulrichen ha il Tuatschin gudagnà la cursa da persecuziun. Pagina 4

Cla-Ursin Nufer ei campion svizzer

Alla cuorsa da persecuziun el stil classic dil campionadi svizzer da cuorsa liunga la dumengia vargada ad Ulrichen el Val-leis, ei *Cla-Ursin Nufer* daventaus em-prem. Igl ei igl prem tetel da campion svizzer dall'elita pil currider nordic dil Club da skis Sedrun-Tujetsch. El ha gudignau la cuorsa sur 15 km cun in avantatg da bunamein 23 secundas sin *Antonin Savary*. Suenter la cuorsa singula haveva Cla-Ursin Nufer in disavantatg da 1,12 secundas sin Savary. Grazia ad ina fetg buna prestaziun ha il Tuatschin saviu vargar spert il Romand e la fin finala cuorer cun in bi avantatg ell'arrivada. Entgins dils megliers curriders svizzers ein buca stai presents als campionadis svizzers pervia d'engaschaments en cuorsas dil Cup mundial. Ella categoria dils umens sut 20 onns ha *Jon-Fadri Nufer*, medemamein dil Club da skis Sedrun-Tujetsch, contonschiu il 13avel rang.

Ella cuorsa singula dalla sonda sur la distanza da 15 km ei Cla-Ursin Nufer daventaus tierz dal'elita. La victoria ha el stuiu surschar ad Antonin Savary. Ella concorrenza dils umens sut 20 onns sur la distanza da 10 km ei Jon-Fadri Nufer daventaus 17avel.

Las concorrenzas dalla fin d'jamna ad Ulrichen ein stadas l'emprema part dils campionadis svizzers da cuorsa liunga da quest unviern. La secunda part ha liug la fin da mars e l'entschatta avrel a Silvaplana. (fmr/hh)